

道里記下

天山北路

鎮西廳 東至圖古里克接喀爾喀界西至乾溝接阜康縣界西至天山踰山接哈密北至哈布塔克接北山路 乾隆中領縣二今改廳裁省宜禾縣

鎮西廳漢匈奴東蒲類茲力支地在哈密北三百三十里距京師七千三百三

十四里治之東五十里為石人子 經固原堡大泉至其地 又東南四十里奎蘇 當巴爾庫勒發源左右雨

河之間 又東南九十里為松樹塘 東南境南踰庫舍圖達巴經長山子黑帳房至哈密城松樹塘蒙古語招摩多舍庫圖達巴譯言碑嶺也 自石

人子東北行三十里為沙山子 經三河源至其地 又東二十里為呼爾濟台 其東南

里有監池 又東北行十里為哈喇和屯 縣東北境唐伊吾舊治地居鹽池之北又東北為阿濟 自呼濟爾台折東南

一百四十里為圖古里克 自此東南一百二十里至多都摩垓又南行經塔勒納沁至蘆岡泉接安西州境 治之北少東五

十里為五墩又東為樸城子 屯田處凡四莊 自五壑西行北十里為鏡爾泉 自此折

十里至三個壑又西南行繞巴爾庫勒之西五十里為上肋巴泉曾哈密入關展路 治之北九十里為禾城 西南境有石城子 又東北行

七十里為三塘 禾城二十里至柵門口又踰山五十里而至 治之西少南九十里為瘦濟 濟一作集東尖山西

獨山西南六十里接托來達巴 又西三十里庫爾墨圖又西北六十里爲肋巴泉塘哈畢爾噶布

克出西又西北五十里爲西一作薩里克拜牲西有塘烏爾圖布拉克出其地爲宜禾西北境元和志伊吾甘露川或其遺址又

西南九十里爲噶順溝溝一作塘有泉出山南流其北四十里爲鄂隆吉有舊城接奇臺縣界距府治三百四十里自瘦濟西南行

七十里爲上肋巴泉東南踰山接哈密之橙槽溝又六十里爲洮賚台在托來達巴北麓又南行八

十里爲洮賚井踰山而至其東爲七個井卡倫又南行一百十里與闡展之芟芟槽接又西南六十里梧桐窩踰山北至白山

子又七十里惠井又南五十里爲鹽池自瘦濟至此爲臺路皆循山徑而行距治四百八十里又一百八十里爲闡展之七克滕木臺

俱係亂治之西北九十里駱駝巷又西北爲亂泉子經空心整至其地又西爲條湖

數處皆自此踰山北行爲黑子山卽鉛廠距治四百餘里東戈壁西拜塔克黑二百餘里北至扎哈沁四百餘里又西七十里

爲大泉又爲羊圈灣宜禾西北盡境滿漢卡倫設此自黑子山北行至都蘭哈喇距治六百餘里在雪

山西麓每年南北官兵會哨之所

廳治之北境有曰蘇博阿拉奇臺縣西北境都爾伯勒津東北二十里又東北行二百餘里至拜塔克舊爲準噶爾東南界曰阿濟地

山名宜禾縣東北境哈喇和屯曰必濟地以山名在阿濟西其台爲華烏里雅蘇台曰華烏里雅蘇台在必濟山北

南北三面環山泉池不一東至烏里雅蘇軍台營五百餘里由烏里雅蘇台北山曰阿拉克椿

西北行岡巒層沓千有餘里直至古爾畢達巴阿勒坦鄂拉舊爲準噶爾東境

集宜禾縣東北曰額林椿集在阿拉克椿集西北五十里曰奎屯郭勒圖在額林椿集西北五十里地饒水草曰蘇海

圖奎屯郭勒圖西北五十里又自西里克拜牲北踰哈套鄂拉北行三十里爲烏

昭達木濟呼又西北至里布塔克曰哈布塔克地以山名府西北四百里踰此至青吉勒郭勒南岸舊爲準噶爾東南界曰拜塔

察奇爾圖又西六十里爲哈喇察奇爾圖

（建置）巴爾庫勒舊音巴里坤康熙五十四年內屬城在巴爾庫勒東南雍

正九年與木壘城同築乾隆二十七年設安西府以安西同知駐防其境初

爲巴爾庫勒廳進討準噶爾駐營木壘築木壘新城烏蘭烏蘇即準噶爾東

境爲扎爾沁游牧之地大兵甫入境扎爾沁宰桑敦多克及其德木齊巴

罕漫濟等來降率所屬一千五百餘戶內附此諸部落歸誠之始西域平設

奇台堡二十四年設巴爾庫勒提督別於城東築新城爲兵弁駐防之所二

十九年提督移駐烏魯木齊改設總兵一員三十八年置鎮西府治巴爾庫勒廳裁改設宜禾縣建府學始設知府統宜禾縣迪化州昌吉縣是年秋升迪化州爲直隸州析昌吉爲州屬領縣宜禾縣與府同四十一年分宜禾西境設奇台縣屬焉領縣二參贊大臣一員三十九年設以下協領佐領防禦驍騎校筆帖式如今制皆自京調往三年更換今政府爲直隸廳宜禾縣省奇台縣改屬迪化州整飭巴里坤巡道兼兵備糧務駐鎮西嗣移駐鞏寧城餘訓導照磨巡檢如今制

按今巴里坤參贊大臣改領隊大臣一

考試初制准聽文武童就肅州試與安西州同三十九年設府後學政按臨肅州之前密封試題行鎮西府並巴爾庫勒道局試四十一年巴爾庫勒道移駐迪化州改鎮迪道即行鎮西府局試四十四年改由學政將試題送駐防大臣同鎮迪道考試試卷封送學政按額取進武童由駐防大臣同道考試分別次第造冊同內場試卷送學政按額取進

（沿革）漢匈奴東蒲類茲力支地後漢爲伊吾邏魏爲蠕蠕所併隋屬伊吾郡尋入突厥唐置伊吾縣屬伊州五代及宋因之明屬哈密地陷入吐蕃

（輿圖考證）漢蒲類部落不一名茲力支者爲東蒲類其治天山西疏榆谷者在卑陸且彌之西爲西蒲類故西域傳稱蒲類治天山西也又後漢書西域傳蒲類本大國其王得罪單于徙蒲類人六千餘口內之匈奴右部阿惡地右部當居西鄙則其國本在東陲可知惟得罪則西降都護旣降居烏貪訾離地在今闐展之西北東蒲類當在闐展之東北正當府境班超傳注蒲類海在敦煌之北則正當府境今之巴爾庫勒即漢之蒲類海今之鎮西即漢東蒲類茲力支故地元和志鹽池在伊州南六十里伊吾縣南二十里周圍十餘里無魚水自生如海鹽若以宜禾縣境求之方位不合又舍此無所謂鹽池者伊州伊吾縣史傳本無明文據此則今之哈喇和屯適居鹽池之北疑即唐之縣治蓋漢伊吾舊城唐伊吾新城皆在哈密至唐景龍四年始於伊州西北三百里外置伊吾軍乃或疑移建縣治于此今哈喇和屯即其遺址與元志稱南有鹽池形勢相合耳

迪化州

東至得勒呼蘇台接奇台縣界東南踰山接闢展界西至安濟哈雅接庫爾喀喇烏蘇界西南接伊犁東路北通塔爾巴噶

州東至博克達鄂拉東北接阜康縣界西至頭境屯接昌吉縣界南至根特克接土爾番北至葦湖

迪化州漢蒲內地在鎮西廳西一千三百九十里距京師八千八百九十里州

城之東北四十里爲古木

地建輯懷城城北有塘

城之北二十五里爲頭道灣

阿勒塔齊郭勒北行分流

處又東有二三四道灣莊

又折東行十里爲五道灣

踰郭勒至其地在屢豐堡東又東有六七八道灣莊

又東十里九道灣

東有熱水泉

自五道灣迤北行十里爲卡子灣

博克達峙其東南流泉環帶庄戶鱗比致爲深秀

又東北爲輯懷

城又北接阜康縣境

城之西三十里爲鞏寧城

今知州治踰郭勒至其地北爲地窩堡有塘

又西北三十里

爲土墩子又十里三個泉莊

其南二十里有西三個泉莊泉皆匯入烏魯木齊郭勒

城之西南二十里爲

大西溝

西北距鞏寧城三十里當郭勒發源處居民比櫛又東十里有河出南山麓居民依之稱南山戶莊

城南少東五十里爲鹽池墩

阿勒坦齊郭勒流其東有塘東又南踰郭勒循南山麓稱達巴根戶莊

迤東爲柴窩堡

自此入山谷行

又東南爲土墩子又東

行爲喀喇巴勒喀遜

在天山南麓有城爲糧員守備駐防距州城二百三十里

又東南爲多倫達巴

土名七個打坂踰山而南有白

楊河入南行爲哈畢爾噶布拉克

地以水名土稱三個泉是爲闢展河源

又東少南一百里爲根特

克在金嶺北麓接土爾番界距州城四百三十里

（建置）治在烏魯木齊東接鎮西廳屬之烏蘭烏蘇得勒呼蘇台自烏蘭烏蘇以西舊皆爲準噶爾游牧之所乾隆二十年進討準噶爾噶勒丹多爾濟率其屬望風降皆內屬有舊城賜名迪化設提督駐防別於城北建新城在阿勒塔齊郭勒東支流環抱之內二十五年置迪化廳駐同知輯懷城地地名吉二十七年築三十八年裁廳改迪化州屬鎮西府是秋升爲直隸州隸縣昌吉於城西三十里建鞏寧城爲知州治四十一年四十四年先後分置阜康綏來兩縣皆隸焉初設迪化寧邊兩廳學三十四年設設縣後以兩廳學歸迪化昌吉復設阜康綏來兩學安西道初駐哈密二十四年設三十八年改鎮迪糧餉兵備道駐鎮西府四十一年亦移駐鞏寧城統轄鎮西府安西州迪化州並哈密闢展兩廳駐防都統大臣一員管理滿洲綠營事務以下佐領協領防禦驍騎校筆帖式皆自京調往如今制

按以上乾嘉間舊制今闢展只巡檢一烏魯木齊增傾隊大臣一員而迪化州領縣四奇台改隸焉同治六年補記

（漢蒲）漢蒲類國三國稱蒲陸晉屬高車尋入于蠕蠕至隋爲西突厥地唐初置後庭屬西州後改隸北庭大都護府天寶末貢道中絕陷入吐蕃伊西以外皆非唐有元爲回紇五城明屬衛拉特

（與圖考證）天山自托克喇鄂拉至博克達鄂拉百餘里之間南北綿亘迪化州當其西境漢書西域傳獨於蒲類國曰在天山西者其即今之州境是也又傳稱東蒲類王茲力支降都護分車師後王之西爲烏貪訾離地以居之是蒲類故地初在東陲旣降始遷在山以西也漢書烏貪訾離國與蒲類並載而不啻一國在今則爲迪化州阜康縣境地二國分界處不可得而考唐後庭縣注木蒲類國是兼有西蒲類地也

奇台縣 東至噶順舊宜禾縣界 西至乾溝接迪化州阜康縣界南至天山北至葦湖

奇台縣漢金滿城地在鎮西府西六百九十里治之東九十里爲濟爾瑪台又

東北十里爲木壘

乾隆十九年大兵駐營於此有舊城木壘布拉克出南山下過舊城西東環繞新城東環繞堡之左右有屯田其東境有塘

又東北

四十里伊勒巴爾和碩

其南有泉出北山麓名一灣泉

又東五十里爲阿克塔斯

天山北麓泉源迭發其西南有地名

烏里雅蘇台

又折東南行九十里爲烏蘭發蘇

舊爲扎哈沁游牧處又東六十里爲庫克車勒有泉名色必特又東六十里至噶順接宜禾縣

界 治之西南四十里爲格根

東西三堡俱有泉北流西渠之西有泉名碧流溝

又二十里吉布庫

堡之東曰永豐

溝西曰永泰溝又北十里地名一顆樹有泉

又二十里鏗格爾

堡西別有泉土名達巴罕溝

治之西北九十里爲古

城

南北二城又西行六十里爲乾溝

縣西境北接阜康縣界

自古城東行十里爲都爾伯勒津

自此東北行三百里至拜塔克

（建置）奇台地廣饒水草宜耕牧東扼巴爾庫勒西通烏魯木齊雍正間設

木壘堡築城爲聲援要地乾隆十九年征準噶爾大兵駐營於此復築新城

伊犁平于烏蘭烏東百里設奇台堡駐通判後屬宜禾縣西境四十一年復

分置奇台縣屬鎮西府官制學校如今制嗣改屬迪化州

（沿革）漢車師後王國尋降匈奴東漢居務塗谷置戍部候有金滿城建武

中遣子入侍後屬匈奴永元九年漢斬其王涿鞮立農奇爲王復內屬三國時爲車帥後部併有蒲陸且彌烏貪諸國地魏屬蠕蠕隋爲東突厥地鐵勒屬焉唐初爲處月部後置金滿州貞觀十四年改縣宋爲高昌北廷元屬回鶻五城明爲衛持舊音瓦刺

按元史地理志回鶻五城唐號北廷又西北行至阿爾穆爾則迪化州右左境固爲回鶻五城伊犁以西乃屬阿爾穆爾地明之瓦刺即衛拉特舊對音之訛準部以烏蘭烏蘇拜塔克爲東界過此以西則爲四衛拉特之地尤屬較然

（輿圖考證）後漢書伊吾五百里通車師前部又五百里通後部金滿城今哈密爲漢伊吾闐展爲漢車師前部則後部金滿城正在天山以北唐爲金滿州又爲金滿縣今奇台縣屬之木壘以西迄阜康縣之特納格爾以西正當闐展北境應皆金滿城地唐分金滿州與沙陀州境地毗接皆以處月氏

置金滿即今奇台西境則沙陀又當在奇台阜康二縣北金滿州既南近天山則沙陀自北連大磧今自都爾伯勒津迤北一帶戈壁東屆哈布塔克拜塔克疑即沙陀州舊壤其方位適當伊州之西北金滿縣之正北也

阜康縣

東至得勒呼蘇台接鎮西府奇臺縣界西至甘泉堡接迪化州界南至天山北至葦湖

阜康縣漢車師後國地在迪化州東北一百四十里治之西四十里爲甘泉堡

其西南爲黑溝接迪化州界

治之東六十里爲賽因塔喇

南距博克達鄂拉八十里又東三十里爲滋泥泉有塘

又六十里

爲庫里葉圖

察罕烏蘇在其東

又二十里爲納里特又東南一十里爲三台塘又東七

十里爲濟木薩

踰雙岔河至其地愷安城今爲參將縣丞駐防漢金滿城唐置金滿縣

又東北四十里爲伯什特勒克

又折南行五十里爲得勒呼蘇台

踰大泉至其地在天山之陰東接奇臺縣界其西二十里爲伊克呼蘇台

（建置）地名特訥格爾舊爲準噶爾部圖爾古特游牧之所乾隆二十年始入版圖建阜康堡二十五年屬迪化廳駐縣丞愷安城三十七年築三十八年屬迪化改州判四十一年分置阜康縣設縣學隸迪化直隸州官制學校

如今制

（沿革）阜康全境漢爲烏貪訾離單桓二國地北魏入於蠕蠕周隋間突厥浸強統爲西突厥地唐初屬瑤池都督府顯慶二年禽賀魯分處月部置金滿洲都督府屬輪臺貞觀十四年大都護府長安二年改北庭都護府以金滿爲縣即漢金滿地舊地漸亦淪棄元明所隸與迪化州同

（輿圖考證）漢書西域傳烏貪訾離東與單桓南與且彌西與烏孫接且彌在金嶺北爲山北六國之一烏貪訾離南與之接可知其國在博克達鄂拉之北與今阜康縣治方位正合單桓國西與烏貪訾離境界毘接今阜康縣之東境賽因塔喇應即其地傳稱單桓戶止二十七國甚小始如今縣屬之一塘耳又漢書由前部高昌壁通後部金滿城路而所謂金滿城者與今之濟木薩近似闢展北倚天山踰山爲唐西突厥地葉護屯可汗浮圖城與高昌相影響其地必與高昌北境相屬故得藉爲聲援今濟木薩與東北境之

伯什特勒克皆有舊城疑漢之金滿城唐之浮圖城故址於是乎在也唐初處月內屬即其地置金滿沙陀二州金滿在西又改金滿縣隸北庭都護府皆以漢城得名則漢之前國後國即唐之前庭北庭大畧可證然唐北庭四縣疆域甚廣以地理志考之後庭縣注本蒲類是兼有蒲類國輪臺縣本漢輪臺地是兼有焉耆國惟金滿縣即金滿城祇爲車師後國之地是不得謂唐之北庭即漢之後國者要不得謂漢之後國非唐之北庭矣

昌吉縣

東至頭屯河接迪化州界西至呼圖克拜郭勒接綏來縣界南至天山北至葦湖

昌吉縣漢蒲類後國地在迪州化西北九十里治之東二十里爲頭屯河河之東爲頭屯接迪化州界治之西二十里爲羅克倫又西五十里爲蘆草溝又西北二十里

爲呼圖克拜

舊對音呼圖壁有城自此踰河接綏來縣界

（建置）治西二十里之羅克倫舊爲札納噶爾布游牧之所二十年三月進討準噶爾噶勒丹多爾濟偕其兄子札勒噶爾布以二千二百餘戶降時呢

瑪與噶勒丹多爾濟不協說札納噶爾布叛二十二年二月殺噶爾丹多爾濟於安濟哈雅札納爾布據其餘衆與呢瑪札克沁爲一欲據準噶爾爲臺吉乃移博羅塔拉而去旋爲布爾吉特臺吉渾齊所擒斬以獻所部乃定始設昌吉堡在昌吉郭勒之西二十七年建邊城置邊廳通判駐防二十九年築景化城于呼圖克拜三十四年設廳學三十八年改設昌吉縣以廳學改縣學初設縣屬鎮西府尋隸迪化直隸州官制學校如今制

（沿革）昌吉漢蒲類後國東漢爲移支國三國爲蒲陸晉屬高車北魏蠕蠕主社崙與高車戰於伊吾山北高車主西走三百餘里社崙深入其地遂併諸部則高車東境已併入蠕蠕至周則統爲西突厥唐屬後庭縣地餘同前（輿圖考證）漢書西域傳蒲類前國去長安八千二百六十里後國去長安八千六百三十里則後國當居前國西北今昌吉縣東南與迪化接壤迪化爲前國則昌吉爲蒲類後國可知也又羅克倫與樓蘭對音相近疑即其國

地然考樓蘭改名鄯善在今敦煌西境外色爾騰海者是南北相去千餘里無涉或當時有樓蘭人徙居於此以有是名耳

綏來縣 東至圖古里克接昌吉縣界西南至安濟哈雅接庫爾喀喇烏蘇界南至天山北至葦湖

綏來縣後漢移支國地在昌吉縣西北二百四十里距州城三百十三里治之

東四十里為陽巴勒噶遜 陽回語謂新巴勒噶遜額魯特語謂城肅州志指謂陽關者非 又五十里為圖古里克 塘有

東接昌吉縣界去呼圖克拜六十里 治之西四十里為巴克呼蘇 南距哈屯博克達鄂拉一百里當孔道西有破城子塘 又四十里

烏蘭烏蘇 靖遠關在其西北 又十里和爾郭斯 舊音和落霍漸 又十里博羅特克圖魯庫 和爾郭斯

郭勒 自此西南行五十里為安濟哈雅 南北有山形勢緊嚴宜耕牧東曰巴哈西曰伊庫與庫爾喀喇烏蘇接舊為扎納噶爾布 游牧處

（建置）地名曰瑪納斯舊為準噶爾呼拉瑪游牧處納木齊之昂吉乾隆二十三年將軍策布登扎布追準噶爾從賊布庫察罕哈薩克薩喇等至和爾郭斯賊衆千餘據險設伏大兵至賊蜂聚四起將軍奮勇突圍擒其宰桑渥

赭特殲衆四百賊潰散時扎納噶布已被擒所部悉定二十八年以瑪納斯地建綏來堡屬邊廳三十八年屬昌吉縣駐縣丞四十二年建左右兩城左曰綏寧右曰康吉兩城南北相倚西面設關曰靖遠四十四年分置綏來縣設學隸直隸迪化州官制學校如今制

（沿革）綏來漢烏孫地東漢移支國晉爲高車周則統爲西突厥處密部胡祿屋闕部皆其境入唐爲鹽泊都督府隸北庭宋元爲回鶻城明爲衛拉特

（輿圖考證）漢書西域傳宣帝即位公主與昆彌皆遣使上書言匈奴復發兵侵擊烏孫取車延惡師收人民去水經注焉耆之北敦薨之山在匈奴之西烏孫之東是匈奴烏孫交壤處在焉耆之北自山南哈喇沙爾北路諭天山是其地也今迪化州昌吉縣爲漢時蒲類前後國其直北當屬匈奴西境由是以西爲烏孫東境南與焉耆相直是伊犁東南路即漢時烏孫之東境

也後漢書移支國居蒲類地應在今昌吉西與綏來治全境相合考當時五咄陸部俱屬西突厥東境而葛邏祿胡屋鼠泥施三部於聖歷四年內屬境地毘連以今地位考之葛邏居北當在塔爾巴噶台納林和博克一帶與處木昆部雜居鼠泥施爲處半部在裕勒都斯一帶則所謂胡祿屋闕部者應在今額彬格遜淖爾南境諸河環抱之間應即今之綏來全境所謂唐得之以爲鹽泊都督府也又突厥北庭與處月處密諸種雜處又咄陸以處月處密兵圍天山而不克孝恪追北抵遏索山斬千餘級降處密部而歸遏索山即今哈屯博克達鄂拉處密部在其北當即今之巴克呼蘇境也

庫爾喀喇烏蘇

東至奎屯接綏來縣界西至托和木圖接伊犁東路呼蘇圖布拉克台南接天山東北接塔爾巴噶台界

庫爾喀喇烏蘇在迪化州西五百十里距京師九千四百二十里城之東五十

里爲奎屯

東有長河路當孔道東南接綏來屬之安濟哈雅

自此折北行九十里爲庫爾郭勒

郭勒東境

七十里沙拉烏蘇

額魯特游牧西界

又七十里鄂倫布拉克

北接塔爾巴噶台界

城之西六十

五里爲布勒哈齊西濱濟爾噶朗郭勒又西六十里爲達木達喀喇烏蘇額布圖郭勒經流其地又

西南五十五里爲古爾圖喀喇烏蘇又折西北六十里爲托克多有泉三道其南境五十里

爲阿克塔木又西四十里鄂壘扎拉圖又三十里噶順布勒哈齊淖爾瀦其北哈喇古顏鄂拉峙其西南又七

十里烏里雅蘇圖有土城向爲西路大兵駐營之所又三十里爲晶河地以河名土膏饒沃有屯田又六十里

托里地有小水清圓如鏡西南地有名古爾班呼蘇台又五十里爲察罕拜牲有舊城西境接察罕爾卡倫又西南二十

里爲托和木圖踰庫色木蘇克郭勒至其地自此入博羅布爾噶蘇鄂拉東谷口行三百餘里出山其西南接哈什圍場

（建置）地當孔道舊爲古爾特臺吉呢瑪游牧處與安濟哈雅毘連爲一部呢瑪內附授職從征二十一年冬阿睦爾薩納之叛呢瑪附逆却將軍和起時準噶爾舊宰桑等俱爲煽惑將軍兆惠以偏師往守伊犁甫至鄂壘扎拉圖突與達付策凌等賊遇乘夜出殲賊千餘而逆酋復合兵邀我師歸路適圖倫楚亦至并力夾攻賊解圍潛遁我爾還巴爾庫勒二十二年將軍成袞扎布追呢瑪于阿爾濟圖山口擒之伏誅二十三年兆惠擒布爾古特臺吉

渾齊于晶河初渾齊以扎納噶爾布首級來獻及是降之東西境俱入版圖

二十七年設辦事大臣一員其管理糧餉臺站各員或除派或調撥咸如制

二十八年於晶河建豐潤堡於庫爾喀喇烏蘇建遂成堡設兵屯田除安設兵屯外民無

土著又非商賈輻湊之地初制獨無賦稅所屬夷人士爾扈特班巴隨渥巴錫歸誠封郡王安置部落于布勒哈齊布拉克地方居住去烏魯木齊馬行十日莫們圖封爲濟爾噶朗貝勒安置部落于伊犁居住去伊犁馬行四日

（沿革）漢屬烏孫國地北魏屬高車尋爲蠕蠕所侵蠕蠕微而突厥遂併其地爲西突厥攝舍提噉入唐爲雙河都督府宋元屬回鶻明屬衛拉特地

（輿圖考證）焉耆之北爲烏孫匈奴交壤自是以西悉屬烏孫地後漢書山北止載車師後國及移支國偏西則無所紀北魏爲高車時蠕蠕漸大自博克達鄂拉之西爲高車境高車傳社崙使高車深入其地遂併諸部是高車東境已入蠕蠕而高車仍居其部迄隋突厥強而併有蠕蠕地則高車亦統爲突厥也西突厥五咄陸部其今在庫爾喀喇烏蘇一帶應屬攝舍提噉部

東境而伊犁左右爲索葛莫賀部方位較然唐北庭即宋元回紇五城史稱西北行四五千里至阿爾穆爾則以天山北迪化州迤西一路爲回紇五城以伊犁西北路爲阿爾穆爾庶得其槩云

塔爾巴噶臺 東至額爾齊斯接喀爾喀界西至雅爾齊爾接哈薩克界南至南山北界俄羅斯

塔爾巴噶臺漢烏孫匈奴交壤處臺之東爲奇爾噶遜齊布哈達遜 在朱爾庫

朱鄂拉西舊爲包沁部游牧處迤東南行爲烏蘭呼濟爾 北倚朱爾庫朱鄂拉舊爲布庫努特鄂托克游牧之所又西爲綽爾

郭 鄂爾和楚克峙其南地饒水草舊爲阿睦爾薩納游牧之所又西北爲察罕呼濟爾 在鄂爾和楚克鄂拉北舊爲達瓦齊之昂吉又西

南爲額敏 烏里雅素臺郭勒南岸額敏郭勒發源地饒水草西北距城二百里自此南行入哲克得里克境臺之西北爲愛呼斯 愛呼斯淖

爾發源北接左哈薩克又西北爲雅爾 地建肇豐城烏里雅素郭勒雅爾郭勒經流其北又西北入愛呼斯淖爾土壤膏沃水草滋豐東南距城二百里舊爲阿克明阿特

游牧之所自烏蘭呼濟爾東行爲額爾齊斯 在金山西南東西七百里南北二百里給都爾伯特部游牧之處其西南爲

吉勒青 青吉勒郭勒北岸地以河名東爲布拉青吉勒西爲哈達青吉勒皆青吉勒郭勒發源

〔臺卡〕臺之南少東七十里爲色特爾莫多又七十里踰河爲沙拉烏蘇 臨台

台臨額敏河
設船以渡

又南行九十里雅瑪圖又七十里烏爾圖布拉克又八十里至鄂

倫係庫爾喀喇烏蘇所屬其迤北腰站沙拉扎克爲交壤處

臺之西三十里爲巴克圖

地以山名

又四十里爲喀通果

爾又西八十里至裕勒爾郭勒臺之西南七十里爲瑪尼圖

其了爲葦塘子卡

又西

南一百十里爲察罕托輝又一百二十里爲巴爾魯克

地以山名北即哈薩克境

又南行四

十里爲莫多圖巴爾魯克

入南山谷口爲哈爾海圖小卡

又折西六十里爲阿魯沁達蘭

東接伊犁北路

察罕爾
卡倫

自沙拉和洛素迤東南爲納木

經鄂倫雀圖哈拉布拉克東與勒郭勒接壤夏季設於此

臺之北爲楚

呼楚迤東北爲錫伯圖

東西南距台八十里

又八十里爲博勒奇爾

自此入谷口行

又北一百

四十里烏蘭布拉

其南境七十里爲布爾噶蘇

又折東行七十里爲察罕鄂博

東與土爾扈特接是爲接遞公

文之

自烏蘭布拉東北行三百里至瑪尼圖干都爾汗

自烏蘭布拉七十里爲額通果爾又七十里烏里雅

素圖又北少東八十里鄂倫布拉克里又八十里至此又北接俄羅斯界以上十一處爲冬季卡倫由夏季安設至冬初哈薩克來牧各住本處防察俟其夏初展出之時有挪進數十里及數百里不等所有阿布達爾莫多錫伯圖布爾噶蘇三處俱撤臺之北少西七十里爲烏里雅素圖

中有哈拉布拉克小卡

由此西北

行五百二十里至輝邁拉呼

自烏里雅素七十里爲濟穆爾色多又七十里博爾巴又七十里博霍錫又八十里阿布達爾莫多又八十里霍通哈爾

海又七十里扎哈蘇淖爾又八十里至此又北接俄羅斯界以上八處爲夏季北卡春深之際哈薩克全行出境其東北冬季十一卡除撤回三處外亦隨即展至夏季安設處所□西北一路俱隣接哈薩克住牧地

〔建置〕迪化州北五百里當準噶爾東北境舊爲伊克明阿特游牧處巴雅爾達瓦齊之昂吉乾隆二十年進討準噶爾巴雅爾以其屬降及阿木爾撒納之叛以奇徹布監其衆先是包泌部司炮者宰桑阿克諸爾等附逆以兵圍軍營奇徹布單騎突圍射殺十餘人衆乃潰闌出卡倫竄走北路喀爾喀札薩克巴札爾錫第等窮追至奇爾哈遜齊布哈達遜擒之所部乃定時巴雅爾授爵從軍追逆至喀爾喀尋自潛回游牧地煽惑爲逆二十二年五月富德追阿睦爾撒納至塔爾巴噶鄂拉賊潛山谷間納門德勒奇徹布追殺甚衆并獲其妻子巴雅爾以餘衆匿塔爾巴噶山谷間護軍校占頗圍馬甲海蘭察擒之於是塔爾巴噶臺左右境俱入版圖二十九年設參贊大臣一員領隊大臣二員其印房章京筆帖式卡倫侍衛各員如今制二十八年築肇

豐城于雅爾三十二年復於楚呼楚建綏靖城設兵屯田賜名塔爾巴噶臺管轄額魯特總管一員副總管一員佐領驍騎校各四員初由伊犁撥派烏魯木齊二十四年復自烏魯木齊移住其額魯特民人三千五百六十戶舊土爾扈特一百四十戶咸歸統屬

所屬蒙古各部落都爾伯特者四衛拉特之一舊時部落居額爾齊斯阿睦爾薩納始與達瓦齊共謀篡奪繼而有隙遂與班球爾扎納哈查及都爾伯特將額敏（舊名額米爾）一帶住牧者肆行擄掠且耕種額爾齊斯爲自固計達瓦哈領兵三萬至額爾齊斯蹙之阿睦爾薩納勢不敵始與都爾伯特等共議投誠乾隆十八年臺吉策凌伍巴什策凌孟克率所屬五千六百餘戶內附編設旗分錫親王爵俾還游牧故地厥後綽羅斯和碩特輝特以肆惡淪亡惟都爾伯特恪守臣節承襲勿替云扎哈沁者準部之鄂托克謂防守邊界坐卡倫者也舊在宜禾屬之烏蘭烏蘇左右境游牧乾隆十九年大兵入境扎哈沁率屬內附是爲各部落歸誠之始大功底定移其部落於阿勒坦山

土爾扈特渥巴錫來歸封爲汗以下錫爵授封俱歸伊犁安置其屬下二十九鄂托克民人八百三十八戶四十二年全移住於塔爾巴噶臺東境今額爾齊斯河以東至烏里雅蘇臺迤西皆屬都爾伯特土爾扈特部落兩散落散處其間鎮西府兵防北與之接其扎哈沁阿明特部落北連科布多界在鎮府界黑山子之北四百餘里每年冬南北官兵至都蘭哈喇會□一次

〔沿革〕漢匈奴右地單于迭居於此三國鮮卑右部北魏高車地爲蠕蠕所併隋爲西突厥唐初葛祿邏三族始內屬曰謀落曰熾俟曰踏寔力本突厥

諸族居東西突厥間後稍南徙自號三姓葉護至德後與回紇爭強徙十姓可汗地五代宋不通中國在元則與回紇五城相近明稱瓦剌即衛拉特舊對音之訛今改正史云元亡強臣分其地爲三是也

〔輿圖考證〕漢烏孫即爲準噶爾康居即爲哈薩克而準噶爾東境猶屬匈奴水經注云敦薨之水出焉耆北在匈奴之西烏孫之東以此求之今哈喇沙爾北踰天山爲迪化州又直北爲塔爾巴噶臺當屬漢烏孫匈奴交壤處今自迪化州北抵塔爾巴噶以東之境均應屬漢匈奴右地呼揭車犁烏借閏振郅支伊利目互相角逐而郅支西北走康居即今塔爾巴噶臺西北與哈薩克交壤處其形勢灼然可見魏書蠕蠕傳西則焉耆之地北渡沙漠則今塔爾巴噶臺諸境在魏皆蠕蠕地隋書突厥阿史那以五百家奔蠕蠕居金山迨後東西突厥分烏孫故地而有之則蠕蠕舊地即烏孫東境突厥滅蠕蠕而分治其地蓋無可疑者當時賀魯居多邏斯川統葛邏祿諸部多邏

斯川即今額爾齊斯郭勒三葛祿與車鼻接壤車鼻竄金山之北西統葛祿則知葛祿本在金山之西高俛擊車鼻則三族始內屬是以統于賀魯賀魯敗以三族爲都督府唐書跨振僕固水即今烘和圖淖爾天寶中立拔悉密可汗葛邏祿自立爲右葉護拔悉密在今納林和博克一帶葛邏祿又在其西境蓋自突厥漸微而三族境壤正與今塔爾巴噶臺全境相合若漢書所稱蒲類王得罪單于內之匈奴右部阿惡地去車師後部馬行十餘日今以方位求之在今塔爾巴噶台南境呼濟爾近是由而南入于沙磧

哲克得里克

東至薩里鄂拉接青吉勒西至布勒哈齊南臨沙磧接迪化州葦湖北踰南山至塔爾巴噶臺西南至鄂倫接庫爾喀喇烏蘇界

哲克得里克古沙陀突厥地東西北去臺三百四十里城之西北八十里納林和博

克北倚鄂爾和楚克鄂拉山下有泉南流舊爲布庫努特鄂托克游牧之所

迤西南爲納木在哲克得里克西北倚南山自此迤西至尼楚滾布古圖舊爲阿克巴集

賽游牧之所

又西四十里爲穆呼勒戴鄂多特又四十里爲達爾達木圖又三十

里爲蘇海圖

以上數處皆北倚南山麓有泉南流入沙磧又南爲額彬格遜淖爾

又西南三十里爲謨多圖布古圖

又西南三十里爲尼楚滾布古圖有泉南流出谷入于砂磧其西有鄂倫布拉克是爲庫爾喀喇烏蘇東北界又西四十

里爲伊奇爾山麓有泉南流入於沙磧迤西一帶爲塔爾巴噶台西南境舊爲伊克呼拉爾集賽游牧之所又四十里爲布爾噶爾蘇

臺又四十里爲察拉垓舊爲賚嗎里木集賽游牧之所又四十里綽爾北倚巴爾魯克鄂拉自此折東北行

五十里爲齋爾踰山而至東北距額敏三百里地饒水草舊爲阿克巴拉布里木集賽游牧之所城之東北爲克特和博克

在納林和博克東南其西三里許有古廟是爲準噶爾境內舊蹟又東十五里爲烘格爾鄂籠又東北一百里爲什

巴爾圖西倚山岩南臨沙磧又東北五十里爲鄂爾圖烏爾圖布拉克經其南薩里鄂拉環其北又五十里爲薩

里地以山名北磧薩里鄂拉有泉東流入沙磧自納林和博迤東爲格爾鄂格爾舊謂酋長所居之地曰鄂格爾或部酋曾建庭

于此故名

哲克得里克在塔爾巴噶爾東南境南至迪化州三百里其東南境沙漠彌望東西五百里南北二百里所謂沙陀是也其西境舊爲準噶爾五集□游牧地乾隆二十年大兵進勦五集賽宰桑達什策凌等以其地內屬其兵屯悉統屬於塔爾巴噶台

所屬蒙古乾隆三十六年土爾扈特歸誠封策伯克多爾濟爲親王安置部落于塔爾巴噶台城東南四站和博克薩里等地方居住俾得資游牧

〔沿革〕漢烏孫地北魏屬蠕蠕隋突厥强分治烏孫故地與處月處密雜居

而西突厥初建庭於此唐滅賀魯以處月地置沙陀都督府尋改沙陀州處其部者爲沙陀突厥貞元中回紇漸盛沙陀部以七千帳附吐蕃元和三年悉衆款靈州塞徙鹽州其部遂空宋入於遼明稱瓦剌云

〔輿圖考證〕沙陀爲西突厥別部突厥治烏孫故地準噶爾屬漢烏孫即今塔爾巴噶台境其南太磧綿亘乃爲沙陀故蹟無疑後漢書車師後部有金滿城唐北庭以其地設金滿州北倚沙磧則知金滿居南附山而沙陀居北境地毗接以地處沙磧故名賀魯居多邏斯川即今之額爾齊斯蓋建庭於此而南統沙陀諸部賀魯叛沙陀不從遂置金滿沙陀二州于處月之地以賀魯所授統之者蓋又建庭于南而北統多邏斯川諧部也迄回紇強而沙陀南附于吐蕃貞元中東欵靈州塞范希朝料其勁卒爲沙陀軍更號陰山沙陀是仍其名而非其地已又唐書焉耆八日行得西突厥北庭今自哈喇沙爾踰山北行至納林和博克一帶六百餘里應即當時建庭之地自泥

橛處羅可汗朝隋不遣而國人別立射匱可汗徙庭三彌山統葉護可汗在今伊犁西境非復北庭之舊今克特和博克西里許有古廟爲準噶爾境內舊跡其建置之始不可得考宋入于遼明人瓦剌即準噶爾之衛拉持舊對音之訛我朝康熙間噶爾丹博碩圖旣敗策妄始自西藏還和博克薩里收其舊族及噶爾丹之衆自據汗位準噶爾汗之外爲台吉台吉各有昂吉其鄂托克爲汗之部屬鄂托克之外又有五集賽其略具詳平定準噶爾紀略額爾齊斯

案額爾齊斯東界烏里雅蘇與焉科布多所屬接東南接鎮西府之宜禾正南接奇台縣境西南接迪化州與哲克得里克西北可通哈薩克界北方即爲科布多軍台與俄羅斯接壤實爲天山北路一大部落惟原稿於道理建置各條均已闕失僅存沿革及考證二條今以第於哲

克得里克之後

孫鐸附記

〔沿革〕漢匈奴右地三國屬鮮卑北魏蠕蠕那蓋出自金山稱汗尋滅高車國遂大魏太祖時阿那史以五百家奔蠕蠕世居金山至大邏便與有隙分爲二東距都斤西起金山得匈奴地是爲西突厥隋有薛延陀啞勒兒十槃達契諸國爲鐵勒部屬突厥唐賀魯居多邏斯川封瑤池都督府統諸部初太宗册拜回鶻薛延陀夷男爲眞珠毗伽可汗東靺鞨西葉護突厥南沙磧北俱倫水頡利滅夷男稍東徙退保都尉犍山獨邏水之陰至德後突厥大亂葛邏祿奉回紇骨力裴羅定其國史稱薛延陀回鶻裴羅迭居於此

〔輿圖考證〕金山以西漢屬匈奴右部西接烏孫者也北魏蠕蠕出自金山而有其國漸併高車而始盛以高車傳彌俄特與伏圖戰於蒲類海之文證之在伏圖時已有金山西南境壤魏太祖滅沮渠氏突厥阿史那氏以五百家奔蠕蠕世居金山是突厥臣於蠕蠕隋書傳突厥而不詳蠕蠕是突厥邏

便西越金山盡有匈奴則蠕蠕爲突厥所併可知回鶻薛延陀者匈奴之苗裔本與薛種襍處西突厥處羅可汗之殺鐵勒諸酋也其下往往叛去奉薛延陀乙失鉢爲野啞可汗在金山西役葉護可汗乙失鉢孫夷男攻頡利太宗册拜爲眞珠毗伽可汗樹牙鬱督軍山東韃韃西葉護突厥南砂磧北俱倫水頡利旣滅夷男率其部稍東保都犍尉山獨邏水之陰考葉護可汗建廷伊列河薛延陀西與爲鄰則其地由額爾齊斯以西接伊犁南砂磧指沙陀所處之大磧北俱倫水即多邏斯之分支當薛延陀未徙之前境界如是夷男東徙乃與回紇均以金山爲西界焉阿史那賀魯居多邏斯川統有諸部永徽四年賀魯亡尋以所部置濛池都督府與崑陵都督府南北分治今按烘和圖淖爾額爾齊斯郭勒以南至沙磧竟六里當時統馭所及方隅較然當薛延陀欲殺車鼻車鼻竄金山之北自稱乙注可汗西葛祿北結骨皆併統之延陀衰車鼻益肆高俛擊車鼻葛祿三姓始內附封都督詔

處其衆於金山以其部統于賀魯則知三姓在多羅斯川北是以南統於賀魯及殺悉拔密可汗奉回紇骨立裴羅定其國明年殺白眉可汗自號葉護遂得兼有賀魯地可知然自是回鶻之地與衆亦漸歸回紇史又稱裴羅西越金山者也列史記載自漢匈奴魏蠕蠕以迄突厥而隋唐之鐵勒薛延陀回鶻葛祿邏諸夷皆以金山爲望鎮而迭居於今之額爾齊斯之地

伊犁東路

東至博羅圖塔克踰接闐展界東南至登努勒臺接哈喇沙爾界東北接庫爾喀喇烏蘇晶河界西接伊犁西路

伊犁漢烏孫地在汗騰格里鄂拉之陰距京師一萬八百二十里伊犁郭勒

西北曰惠遠城

城周十八里在察罕烏蘇西南距河里許

迤東南七十里曰惠寧城

地名巴顏臺左右有屯田

又南行

少東曰寧遠城

回城地名曰固勒札舊有佛廟喇嘛坐床爲鄂托克輪值供養之所

惠遠城以西曰綏定城

地名烏哈爾里克有河爲

察罕烏蘇支流北爲蘆草溝喇嘛寺俱有屯田

又西北爲阿里瑪圖

有城阿里瑪圖鄂勒發源北山西南流經其地入伊犁鄂勒

惠寧城東北

一百里爲塔勒奇

即郭拉西南谷外地有小城西北爲獨山子清水河西爲察罕烏蘇有屯田

又東踰北山九十里爲幹

珠罕

在察罕賽喇木淖爾北自此西北踰郭勒六十里爲碩波圖又西北二百里爲庫充克托木又自幹珠罕東行一百八十里爲莎達巴又東行五十里爲達蘭沁俱在博羅塔拉郭勒北

境列山如屏谿谷深邃察罕爾設卡於此迤東北爲博羅塔拉西南距伊犁三百里四面皆河山環水繞形勢殊勝今屬察罕爾總管統轄自固

勒札踰河二十里爲海努克舊有佛廟與固勒扎廟俱爲喇嘛坐床之地其河三面環繞是謂伊犁口迤東北行爲烏爾

圖古爾畢南距喀什鄂勒北距庫色木蘇克郭勒西南距伊犁郭勒各百餘里哈喇古顏在其東境又東北六十里爲博羅布爾噶

蘇即鄂拉西谷口外地又北行少折而西當庫色木蘇克郭勒發源處自此入口行九十里爲塞特爾臺哈喇海又北九十里額博爾濟達巴又東北一百十里覺林托海又三十里出東谷口

接晶河界是伊犁東境門戶舊爲輝特台吉唐古忒游牧之所海努克東行一百二十里爲都爾伯勒津三面濱河空格

斯郭勒自東南來哈什郭勒自東北來特克斯郭勒自西南來交會於此又東南三百二十里爲空格斯地勢平寬氣候溫暖饒水草爲伊犁東南

最近要地其全境形勢烏得音達巴繞其東納喇特巴峙其南阿布喇鄂拉障其北三面峰巒環抱空格斯郭勒環帶南北山北一大都會也自都爾伯勒津行經哈什又經納喇特至其地舊爲烏魯

特鄂托克游牧之所其西北爲哈什有城爲伊犁東境最要地與空格斯唇齒形勢殊勝阿睦爾撒納叛將軍班第贊鄂容安死節於此哈什之南

爲納喇特即納喇特達巴北麓地在哈南空格斯兩郭勒之間又折東北五十里爲烏努特固地當險要伊犁東南境卡倫設此

自空格斯東南行二百里爲裕勒都踰山而至爲伊犁東南屏障其境東西六百里南北二百里四面皆山地饒水草東境有地曰阿勒

坦烏遜西境有地曰哈爾克朗圖舊爲克里雅特鄂托克游牧處其東境爲庫本諾雅特部係達什達瓦之昂吉迤東一百八十里爲哈布齊垓

自此東北行入迪化州境又東南爲登努勒臺在天山南麓又東入阿拉癸谷口東行三百里出谷接闡展界勒自裕勒都斯以東至登努勒臺統稱裕勒都斯在

古爲膺沙川榆溪地南北皆山河流環繞其間水之出谷曰海都郭勒在哈喇沙爾城東北適居東西裕勒都斯之中今和碩持土爾扈特住牧以海都郭勒爲界地與回城相錯是以歸烏什參贊統轄

海努克之西南九十里爲索郭爾又南少西七十里爲博爾又九十里

爲和納海又百里爲特克斯汗騰格里鄂拉東南麓特克斯郭勒發源又八十里爲沙圖阿璊又西

南至噶克察哈爾海在木素爾鄂拉東南爲阿克蘇北境軍臺俗稱冰山雪海即此海努克西南一百四十里爲

沙布爾託海又西八十里爲托里又西南八十里爲春濟入伊犁西路伊犁口西南境地山谷聯延西至察林河口有八堡是爲錫伯總

管專轄設卡於此自沙布爾託海西南行一百里爲達爾達木圖係回庄設回卡一處

（建置）伊犁山川形勢甲於諸部氣候和暖人民殷庶物產饒裕西陲一大都會也其俗逐水草無城郭惟所屬回人因其舊俗築城以居乾隆二十年二月大兵進討準噶爾二十四鄂托克二十一昂吉五集賽爭先迎降師抵伊犁達瓦齊以萬餘衆西走保格登鄂拉官兵整陣以待十四日翼長阿玉錫額魯持章京巴圖濟爾噶爾宰桑察哈什等以銳兵二十二人夜擊達瓦齊將及阿玉錫突其營出賊不意賊大潰亂黎明悉收撫之達瓦齊僅以身

免是役也以二十五人收四千餘衆阿玉錫之功爲最 純廟壯其勇作阿玉錫歌製紀功碑文勒石山岩越旬日回人阿奇木伯克霍集斯擒達瓦齊以獻伊犁平阿木爾撒納叛其黨阿巴噶斯等附爲逆將軍班第參贊鄂容安死之大兵窮追至塔勒奇阿睦爾徹納奔哈薩克初準部臺吉呢瑪哈薩克沙喇以內附故授職從征二十年十一月與內附之巴雅爾莽噶里克等構亂將軍和起死之將軍兆惠駐劄伊犁甫聞亂東援巴爾庫勒二十二年朝命富德副兆惠軍進討時阿睦爾薩納自哈薩克歸與富德軍遇復奔哈薩克富德追及又逃奔俄羅斯餘黨以次擒滅二十四年伊犁復定當瓦齊就擒四衛拉特各封一汗餘皆受封授職仍安游牧至是一苞三蘖漸即誅夷特派設滿洲蒙古各部兵暨錫伯索倫達呼爾察罕哈爾額魯特兵分旗駐防各隸以領隊大臣綠營兵防則以總兵統之設將軍以總統新疆各方其回民屯種照回疆各設阿奇木伯克等員管理二十七年於烏哈爾里

克建綏定城

綠營官兵駐劄

於固勒扎建寧遠城

回城爲台吉各伯克駐劄

城東岡建前後平定準

噶爾銘勒紀功碑恭勒

御製文四體字書於其上二十九年復建惠寧

惠遠兩城惠遠城爲將軍建牙各領隊大臣均隨將軍駐劄三十一年設撫

民理事同知一員巡檢二員

嗣添設和爾郭斯一員

屯鎮兵防如今制

（官制兵防）將軍一員參贊大臣一員印房糧餉處駝馬處司官各二員
筆帖式四員卡倫侍衛十一員

以上皆自京調往三年更換

撫民同知一員惠寧惠遠和爾

郭斯巡檢各一員

以上由甘肅派往

分統滿洲蒙古錫伯索倫達呼爾察罕爾額魯特官兵游牧諸務領隊大臣

六員

今設五員

惠遠協領八員惠寧協領四員佐領防禦驍騎校各八員

惠寧城滿營兵專轄卡倫七處

錫伯總管一員副總管一員佐領驍騎校各八員

錫伯官兵駐伊犁河南岸專轄卡倫

八索倫達呼爾總管一員副總管一員佐領駿騎校各八員

索倫官兵駐防和爾郭斯專轄卡倫處

察罕爾總管二員副總管二員佐領十六員駿騎校十六員

察罕爾官兵駐防博羅塔拉專轄

倫十額魯特總管一員副總管二員佐領驍騎校各十員錫伯卡倫之南圖斯庫勒迤東悉屬額魯特民
八處人游牧專轄卡倫十七處其游牧之東南西北設卡八處界于裕勒都斯空格斯之間

總理回務一等臺吉三品阿奇木伯克一員協理地方四品伊沙噶伯克一員以下五品至七品伯克二十一員分職與回部同凡耕種回人悉歸管理其達爾達木圖回庄專轄卡倫一處

（沿革）漢烏孫治赤谷城東至都護治所一千七百里東與匈奴西北與康居西與大宛南與城郭諸國相接昭帝時車師與烏奴共侵烏孫宣帝初匈奴復擊烏孫遣校尉常惠使持節護烏孫兵哀帝元壽二年大昆彌伊秩彌與單于並入朝魏略車師後部轉西北則烏孫本國無增損也北魏時屢爲蠕蠕所侵西徒葱嶺中悅般國初爲烏孫國在龜茲北地方數千里與蠕蠕相仇敵數相征討眞君九年遣使朝貢隋西突厥浸盛徙庭三彌山是爲射匱可汗南庭五咄陸部處碎葉東曰突騎施索葛莫賀部曰攝舍提噉部曰鼠泥施處半部皆伊麗水以東境界唐顯慶二年禽賀魯於伊麗水以攝舍

提墩置雙河都督兩都督均隸北庭都護府傍白山則有回鶻契苾等族貞觀六年來歸徒居甘涼以其地爲榆溪州至德後葛祿邏徙十姓可汗地盡有碎葉怛邏斯諧城五代及宋聲教勿及宋末烏孫故地入於遼元初諸王海都行營於阿爾穆爾舊音阿力麻失蓋其分地至元五年海都叛世祖追至阿爾穆爾令勿追以北平王統軍於此以鎮之明稱衛拉特蒙古部落舊音瓦刺在韃靼西土爾番北爲準噶爾舊庭云爾

伊犁西路東至伊犁東路西至吹郭勒塔拉斯連沙磧北臨沙磧俱接右部哈薩克東北接左部哈薩克南至圖斯庫勒踰天山接阿克蘇烏什界西南至布魯特巴爾喀什淖爾古熱海在惠遠城西北其西南爲庫克車勒伊犁郭勒自此東北匯入淖爾阿勒坦額墨爾鄂拉在其

南又西南一百里爲圖古里克西傍伊犁郭勒迤東爲托博隴又東爲達蘭呼都克又東爲哈拉塔爾以上數處皆北傍淖爾南臨格登鄂拉又東北爲察臣哈喇在淖爾之東兩河之間自批拆東

南五十里爲雅木勒克又六十里哲克得又八十里摩垓圖在庫克烏蘇哈拉塔勒兩河之間西南倚烏庫隴奎鄂拉又折西南行一百里爲哈討在庫隴奎鄂拉北五十里伊犁郭勒北岸又東南二百五十里

爲和爾郭斯 伊犁西路門戶距惠遠城一百四十里有屯田自此西北行六十六里爲奇齊克里爲惠番又西南九十里爲烘和爾鄂籠皆在伊犁郭勒北岸 自庫克車勒西行踰河層山枕疊地當險要是爲索倫達呼爾總管專轄設卡於此

三十里爲庫爾圖 踰伊犁郭勒下流而至 又折東南三十里爲古爾班阿里瑪

圖 舊爲庫諾木雅特部鄂齊爾烏巴什之昂吉 又四十里塔拉噶爾又三十里圖爾根 舊爲果魯特鄂托克游牧之處 又

三十里古爾班察畢達爾迤東三十里爲沙際垓 地有三泉自庫爾圖至此皆在伊犁郭勒西南岸 自此

南行少東二百里爲塔拉錫克 踰阿克固雅斯塔拉錫克兩郭勒至其地迤東八十里至布喀郭勒 又南行六十里爲

沙圖 東爲鄂台郭勒西爲烏蘭烏蘇 又折西行三十里爲庫墨圖又三十里爲古爾班呼蘇臺

又三十里爲古爾班薩里 自沙圖迤西一帶爲圖斯庫勒北岸地

圖斯庫勒 古碎葉水周廣六百餘里在他巴爾遜達巴之西 在伊犁郭勒西南東距惠遠城三百五十里其

東南岸爲阿爾沙圖 凡圖斯庫南岸地總名曰特穆爾圖 又西三十里野特庫斯 東傍哈喇郭勒 又三十

里招哈又三十里伊勒噶齊又四十里塔瑪哈又二十里托薩爾又一十五

里通又二十里阿克賽二十里烘格爾鄂籠又折西北行爲科什噶爾 踰烏什

布拉郭鄂拉郭勒而自阿爾沙圖至此東西三百里間水草豐饒地宜畜牧舊爲和碩特部沙克多爾曼濟之昂吉

又西北五十里爲裕勒阿里
克圖斯庫勒圖斯庫勒之東北岸爲什巴爾圖和什自此迤西至克敏三百里水草之利遜於南岸自阿

爾沙圖迤東南爲古爾斑哲爾格斯有三泉地在阿爾圖東支河南岸其南境爲天山正幹之木素爾鄂拉薩爾瓦達巴又東

南五十里爲圖爾根阿察又東北二十里爲濟爾哈朗踰一支河而至又北行十里

爲烏蘭哈勒噶踰一小嶺至其地西北距圖斯庫勒一百里又踰山東行二百里爲庫勒薩爾特克斯郭拉發源處

西望他爾巴遜達巴東北距海努克二百里海努克之西南二百里爲春濟東北距托里八十里又西八十里察

林自春濟北行一百里爲沙喇托羅垓在伊犁郭勒南岸又北踰河接惠番境自春濟西南六十里

爲塔木哈又南行一百里爲特木爾里克西倚他爾巴遜達巴東距庫分薩爾百餘里又南行四十里

爲格根又折西四十里爲哈爾奇拉在天山北麓他爾巴遜之南又西踰山接回部賽喇木拜城界自春濟迤東南一路是爲額魯特專

轄游牧山谷聯延並設卡倫於此自格根南行一百里爲鄂爾和珠

森格爾淖爾四圍皆山中渟大澤宅勢幽廠東西五百里南北三百里頗占形勝其南一百里踰山至托什于達雅通回部之什城自圖斯庫勒西南

行二百里爲英噶爾踰山而至其地又西南一百里爲伯得里烏又西南三百里至淖

爾是爲布魯特游牧處

吹古細葉川在吹郭勒南自圖斯庫勒西北行二百里爲薩勒奇圖自此西北行五百餘里統名之

曰又西二十里沙木什在吹郭勒南岸其東境爲渾多賴鄂拉又西北三十里爲格格圖布拉納南

呼巴海達巴漢烏孫赤谷又十里爲阿什圖近傍吹郭勒爲東烏蘭烏蘇又西南三十里達布蘇圖在支河之間又

西北三十又爲阿爾察克圖其西南五十里爲伊蘭巴什踰一支河至其地又自阿爾

察克圖又北四十里爲庫努克察爾又三十里索郭魯克其西境支河爲察罕烏蘇吹郭勒北岸分支東

流百餘里爲諸渾淖爾又三十里爲哈喇巴勒圖自薩勒奇圖至此皆在吹郭勒南岸支河之間西南有河名墨爾根其全境東西五百里南北三百

里舊爲準噶爾納默庫濟爾噶爾巴圖爾烏巴什和通額里根之昂吉自吹西南直葱嶺二千里又西北爲和爾袞在吹郭勒下流東傍文河西連沙磧又西北入

哈薩克界

塔拉斯古怛邏斯地在圖斯庫勒西北百里地以水名在塔拉斯郭勒下流濱河地舊爲準噶爾都爾伯特游牧處

伯什阿哈什之昂吉自此迤東南行爲額得墨克古千泉在圖斯庫勒西四百里塔拉斯郭勒上流發源處南臨阿得阿墨克達巴烏什阿克達

巴又西一百里爲烏納木木納爾在塔拉斯郭勒上流四百里間又西一百里特木爾哈巴哈

納又西南一百里爲薩爾巴噶什

西北有小澤南踰山嶺入布魯特界

案伊犁西路漢唐以外史傳略而弗紀所謂地愈偏西聲教勿及者我朝始入版圖兵民耕牧悉隸于東路管轄兵屯官制已詳於前其列代沿革亦與東路畧同

（輿圖考證）伊列河者今伊犁郭勒碎葉川者即今圖斯庫勒突厥傳沙羅鉢啞利失可汗分國爲十部左五咄陸部右五努失畢部居碎葉東西是啞利失初轄之境甚廣五咄陸居碎葉東部中兩都督府三都督府已見前曰嗚鹿州都督今屬伊犁口左右境曰絜山都督必與嗚鹿相毗連今自哈討至古爾班薩里凡屬伊犁郭勒下流左右環抱豐饒之境其爲絜山都督府可知西部別立乙毗咄陸可汗因伊列河爲界乃約諸部河西受令於咄陸啞利失僅主河東之地今之巴爾喀什淖爾爲伊犁郭勒東北境是在唐之伊列河東者應爲西突厥分國後啞利失所轄之西境而附近西南岸自奎屯庫爾

圖至古爾班薩一里帶乃屬乙毘咄陸可汗所轄之東境也碎葉城當在今圖斯庫南勒水草豐饒之地賀魯跳伊麗水是以蘇定方追之於碎葉而奪其衆烏質勒突騎施攻得碎葉之後以碎葉水爲大牙伊麗水爲小牙似突騎施舊屯伊麗水上西攻得碎葉而徙其居以舊牙爲小牙突厥傳稱突騎施屯碎葉西北者則西字疑或東字之訛地理志渡伊列河至碎葉界又西行千里至碎葉城又碎葉川口八十里裴羅將軍城又二十里至碎葉城今伊犁河至圖斯庫勒南境幾及千里裴羅城正在水南宜與碎葉城相距不遠唐拔祿迦即漢姑墨在今拜城之西今自拜城北行至圖斯庫勒山徑紆回約五百餘里亦與西域傳跋祿迦西北五百里至碎葉水城之說相合王方翼爲安西都護築碎葉正指此也何以地理志誤入焉者

又案漢烏孫治赤谷城方位無考溫宿國爲今阿克蘇較然以溫宿北行六百十里至赤谷之文求之則今之呼巴海達巴應即赤谷地居吹郭勒南支

河環抱之間水草豐饒赤谷城亦當在是唐書西域傳細葉川長千里應即碎葉水之西北出者在今則爲吹郭勒經流千里入於和碩庫勒者也塔拉斯郭勒源出額得墨克達巴北麓北行與諸水滙合曰塔拉斯又西北行五百里爲小海在唐統名其地曰千泉突厥傳統葉護可汗控弦數十萬徙庭石國北之千泉是建庭之處當在塔拉斯郭勒下流之西南境故云在石國北惟碎葉城旣近碎葉水則怛邏斯城當近千泉怛邏與塔拉音亦相近其地應在今烏勒木納爾迤西一帶西域傳碎葉川西屬怛邏斯城西南二百里至白水城原隰膏腴又二百五十里至石國則怛邏斯城在烏勒木一帶適當碎葉川之西今之薩爾巴噶什正當其西南境二百里外爲白水故城無疑石國旣在搭拉斯西南則英噶爾在石國東南英噶爾西南至森格爾四百餘里山形合沓正合石國東南千里有柿桿者山四環之地膏腴多馬羊之文其爲故壤尤不誣也至額得墨先在圖斯庫勒西四百里與所稱碎

葉水西四百里至千泉相合而地處塔拉斯郭勒上游交會處南倚額得墨
克達巴烏可克達巴正所謂突厥避暑處南雪山而多泉池云